

# 1 PETERO

## Pepa Petero ingere muṅga panzi kalo-tawana tamâta

*Petero nde tonḡe lâ kinzi pâri-tamâta saṅao kanaṅonzi rua. Yesu muṅga wurâta ilua i ḡana ipu tini kaika panzi kalo-tawana tamâta (Luka 22:31-32), kala Petero uru iveta mine nâ panzi Juda tamâta ḡinde kalonzi tawana Yesu (Galesia2:9). Petero imo Rom lawea, aku ingere ḡgua ḡine ilâ panzi kalo-tawana tamâta simo pwapwataki lâ Esia tâno (1:1). Lâ zo ḡinde kinzi sikai nâna ḡalae ḡana nenzi kalo-tawana kâ, kala Petero itu kinzi ma simandi kaika, ḡana tu Yesu Kirisi ilo ndo keno panzi ku ma iveta kie ara panzi. Lâ Yesu ne zo ḡana itaulo imâ kilo kâ, ande kinda kalo-tawana tamâta rârâni ma tamo ara nâ.*

<sup>1</sup> Naṅa Petero, naṅa nde Yesu Kirisi ne pâri-tamâta. Naṅa aṅgere ḡgua lâ pepa ḡine tini imâ pa miki Maro Kindeni ne tamâta kamo kakura nia nia katogo lombo mine, lâ Pontus tâno wa Galesia tâno wa Kapadosia tâno wa Esia tâno wa Bitinia tâno wa. <sup>2</sup> Nia ndoyo kinda Tamânda Maro Kindeni isama tu i ma muli ipateami tu kapâṅga i tamwata ne tamâta. Koroani Sapâṅa ivilami lâ, aku iveta miki kapâṅga ḡgu sapâṅa. Mine kala Maro Kindeni ilo tu miki ma kaponu muli pa Yesu Kirisi nâ, aku i ilo tu Yesu Kirisi see ma izavaru nemi kiesaka piti lâ tinimi ku ivetami kapâṅga ilomi mbâra-mbâra ndo lâ i nao.

Maro Kindeni ne wisi-wisi wa wisi-pisi wa imâ ñalae tina pami.

*Kinda ma takai via ara ndo lâ samba lawea*

<sup>3</sup> Kinda nenda Maro Yesu Kirisi tama Maro Kindeni, i ne kalo sukâña ikeno ñalae pa kinda. Mine kala ipaño Yesu Kirisi lâ mateña nianzi imo via kilo, kala via wasaseki ilua kinda lâ. Mine kala kinda tamo tao tininda pa Maro Kindeni tu ma iveta vetâña arara pa kinda, ikura i muñga iporo tu ma iveta mine. <sup>4</sup> I uru ikatona vetâña arara ñinde indamwa miki lâ samba ilo. Vetâña arara ñinde nde ñana ipayaula kê, ande tia. Ñinde nde zuzuli ndo, aku ma marumbu tia ndo. <sup>5</sup> Miki nemi kalo-tawana ikeno pa Yesu Kirisi. Mine kala Maro Kindeni tamwata ne walo kaika ñinde ikea ñanami. I ne pateâña ikeno mine: lâ zo muli ñana tâno ne zo marumbu kê, ande i ma iyautemi piti lâ kazâña ilo ku iveta miki kamo ara ndo. <sup>6</sup> Miki uru kalomi ñgere ñana ñinde kê, aku ñinde iveta miki kandeka ñalae. Taitu lâ zo ñine, ikura zo mbwana-mbwana nâ, ande malia kie-kie ipâñga pami ku iveta ilomi malia. <sup>7</sup> Maro Kindeni ipatea tu malia ñinde ma ikai samâña pami ñana nemi kalo-tawana kê. Kinda tasama tu mira “gol” nde kelekele ara, andeta kinzi sikai samâña papa mira ñinde ku simomo lâ yââ ilo, ñana yââ ma ikana muso ndia piti lâ mira ilo, aku iveta mira ipâñga zuzuli ndo. Anja miki nemi kalo-tawana nde kelekele ara ndo, ipole mira “gol” ñinde, ñana tu mira “gol” nde kelekele ñana nao tia kê. Mine nde miki kalonjo ñga; ambo vetâña kie-kie mine ma ipâñga ñana ikai samâña pami, ande ñinde nde

ņana iveta nemi kalo-tawana ipāņga kelekele ara ndo. Ambo miki nemi kalo-tawana ma ikeno kaika, ņinenņa lâ zo ņana Yesu Kirisi ma ipāņga nia yo, ande i ma indekanami ku iporo ņgua ara ndo ņanami. <sup>8</sup> Miki ņandai kamora Yesu Kirisi nao ņga, andeta ilomi ndo keno papa i nâ. Aku lâ zo ņine kala mine nâ, ande miki kakura tu kamora i nao nde tia, andeta kalomi tawana i ku kamo kandeka nâ. Ndekâņa ņinde nde ņalae tina, ipole tâno ņine ne ndekâņa rârâni. Aku ņgua tonņe ikeno ņana itula ndekâņa ņinde kilala pwataki kâ, ande tia ndo. <sup>9</sup> Ndekâņa ņinde ne duvi nde mine; miki nemi kalo-tawana ikeno pa Yesu Kirisi, aku ņana ņinde kâ Maro Kindeni ikaimi piti lâ kondoma ilo.

<sup>10</sup> Muņga, kinzi ņgua-tulâņa tamâta situla ņgua pwataki ņana via mao ņinde Maro Kindeni ipatea pami lâ. Via ņinde itula Maro Kindeni ne wisi-wisi ipāņga nia yo. Kinzi ņgua-tulâņa tamâta ņinde siroto kaika ņana sisânda Maro Kindeni kawa ņgua ņinde duvi kâ. <sup>11</sup> Kirisi ne Koroani ipaipa kunzi ņgua-tulâņa tamâta ņinde, aku itula ņgua pwataki lâ kawanzi ņana Maro Kindeni ne Pateâņa Tamâta. Iporo tu Pateâņa Tamâta ņinde ma ikai nâna muņga lâ, ņinenņa ma ikai ņoa ņalae. Aku kinzi ņgua-tulâņa tamâta ņinde siroto ņalae ņana sisama vetâņa ņinde ne zo wa mâsi ņana ipāņga kâ. <sup>12</sup> Maro Kindeni itula duvi pwataki panzi lâ. Itula panzi tu vetâņa uru siporo ņana ņinde, ande ma ipāņga lâ kinzi warakanzi nenzi zo, ande tia. Kinzi nenzi ņgua ņinde nde ņana via ņinde Maro Kindeni ipatea tu ma ilua miki. Kala

ņine Maro Kindeni isupwa ne Koroani Sapâņa iyoka pa samba indue imâ, aku i walo ilanzi tamâta pinde ņana situla pâri ara ndainani nâ pwataki pami. Kinzi aņelo situ sisama vetâņa ņinde duvi, andeta kinzi kala sikura tia mine nâ.

*Maro Kindeni ilo tu kinda ma tininda piti ndo ņana kiesaka kâ*

<sup>13</sup> Mine kala ikura zo zo, ambo miki ma kapaveta nemi ilo-kalo sondo nâ, ku kapakatonâ warakami sondo ņana nemi vetâņa wa saņonâņa wa, ande ņinde ma ara ndo. Aku ara ņana miki ma kalomi tawana tu Maro Kindeni ma iveta vetâņa arara ņinde pami, lâ zo ņana Yesu Kirisi ma imâ ipâņa nia yo kâ. <sup>14</sup> Aku ara ņana miki ma kapaveta kuku Maro Kindeni kawa ņgua rârâni, itogo kinzi lâlu kiri-kiri arara uru siveta mine. Nia ndoyo, miki ņandai kasama Maro Kindeni kilala sondo ņga, kala miki kapono muli pa ilo-kalo wa vetâņa sakamao nâ. Aņga lâ zo ņine, ande miki ma kapaveta kuku vetâņa mine kilo ndimo. <sup>15</sup> Maro Kindeni muņgani isarawami tu ma kalomi tawana Yesu Kirisi. Maro Kindeni imo sapâņa; mine nde ara ņana miki warakami taitu-taitu kala ma kamo sapâņa mine nâ. <sup>16</sup> ņana tu Maro Kindeni ne tukuņa ikeno lâ pepa tini mine tu, “Naņa amo sapâņa; mine nde miki kala ma kamo sapâņa mine nâ”.

*Maro Kindeni io kulu ņalae tina ņana iko kinda piti lâ vetâņa kaa kaa ilo*

<sup>17</sup> Lâ zo ņana miki kakai noņa pa Maro Kindeni kâ, ande miki uru kapatu i ņa tu “Maka

Tamama". Aku kinda Tamânda ñinde uru ilea pa kinda rârâni taitu-taitu nenda vetâña muñga lâ, ñineñga ipa ñgua ñana pareña-nia kâ pa kinda. Aku iveta vetâña ñine sondo ndo. Mine kala miki ma kamege ndo ñana Maro Kindeni kâ, ikura zo rârâni miki kamo lombo nâ lâ tâno ñine kulu. <sup>18</sup> Ñana tu muñgani miki kapono muli pa vetâña kaa kaa miki timbumi uru siveta ku situla pami ñinde. Andeta Maro Kindeni iko miki piti lâ vetâña kaa kaa ñinde ilo marumbu lâ. Aku miki kasama tu i ñandai io tâno ne kelekele pinde, itogo mira "silva" wa "gol" wa, ñana iko miki piti kâ. Kelekele rârâni ñinde nde ñana naonzi tia kâ. <sup>19</sup> Andeta i ipaliñi Yesu Kirisi see ñana iko miki piti lâ vetâña ñinde ilo. Kirisi see ñinde nde itogo kelekele kulu ñalae tina. Kirisi nde itogo lama ara ndo, i tini nzimba wa mbwatakâe wa tia ndo. <sup>20</sup> Nia ndoyo, lâ zo ñinde Maro Kindeni ipulia tâno ñine ipânga tia yo yo, ande i ne pateâña ñana Kirisi kâ nde ikeno mine nâ. Kala ñine, ande zo imâ ipânga laiti ñana tâno ne zo marumbu kâ, aku Maro Kindeni itula Yesu Kirisi ipânga nia yo ñana ivilami kâ. <sup>21</sup> Miki kalomi tawana Yesu Kirisi. Mine kala nemi kalotawana ilâ mao pa Maro Kindeni tona, inani muñga ipaño Kirisi lâ mateña nianzi, aku isuka i ña kâki ndo. Mine nde miki kalomi tawana Maro Kindeni, aku uru kao tinimi ñana i tu ma iveta vetâña rârâni i muñga ipa ñgua tu ma iveta ñinde.

*Kinda ma tininda mwasa nâ panzi kalotawana tamâta*

<sup>22</sup> Miki kapaveta kuku Maro Kindeni ne ngua mao n̄inde lâ, aku nemi vetâŋa n̄inde izavaru kiesaka ne muso piti lâ tinimi. Mine kala miki uru tinimi mwasa nâ panzi nimi-nambwe kalotawana tamâta. Andeta naŋa apaimi tu ara n̄ana miki ma kao ilomi ndo ilâ mao nâ panzi. <sup>23</sup> N̄ana tu kinda Tamânda Maro Kindeni via wasaseki ilua miki lâ. I n̄ana nao tia kâ, ande tia, aku i kawa ngua kala uru imo mine ku imo nâ. I kawa ngua n̄inde via mao ilua miki lâ. <sup>24</sup> N̄ana tu Maro Kindeni kawa ngua ikeno lâ pepa tini mine tu,

“ Tamâta rârâni uru simo zo luandondo lâ tâno kulu, ande tia. Kinzi ma naonzi tia walele nâ, sitogo unza mine. Aku kinzi n̄anzi tava parinanzi ma imbe ndue lâ, itogo mâle uru siyauru sindue mine. Tâno n̄ine ne unza uru sipâŋga ngâla-ngâla,

‘aku ne mâle uru siyauru sindue; <sup>25</sup> aŋga Maro N̄alae kawa ngua ma ikeno kaika mine ku imo nâ.”

Tamâta pinde muŋga situla ngua ndainani nâ pa miki kalonjo lâ.

## 2

### *Maro N̄alae nde itogo mira via kâ*

<sup>1</sup> Miki nde kakai via wasaseki marumbu lâ. Mine kala ara n̄ana miki ma kapile vetâŋa potomule rârâni. Miki ma kapile mâsi n̄ana wisimi nâna kâ, aŋga mâsi n̄ana kaporo ngua laŋeŋa kâ, aŋga mâsi n̄ana kakai laŋeŋa kiekie panzi tamâta kâ, aŋga mâsi n̄ana ilomi yosi n̄ana tamâta nenzi kelekele kâ, aŋga mâsi n̄ana

kaporo ngua nao-muli kie-kie kâ. <sup>2</sup> Miki kasama tu kinzi lâlu puro-puro uru ilonzi ndo tu sinu suu. Aku mine nâ, ara nana miki kala ma ilomi ndo pa kâpwa ninde Maro Kindeni uru ilami. Kâpwa ninde nde ara ndo, aku uru ivila nemi kalo-tawana nana itumbu lee, ikura lâ zo ndia Maro Kindeni ma ikai miki kataulo kalâ pa i kilo. <sup>3</sup> Miki kapanâna lâ nana Maro Nalae ne vetâna kâ, aku kasama tu i nde vetâna ara warika.

<sup>4</sup> Maro Nalae nde itogo mira via kâ mwasina, aku ara nana miki ma kalâ kamo i tini laiti. Kinzi tamâta muŋga simora i tu kelekele kaa nâ, aku sitambira lâ. Anŋa Maro Kindeni nde ilo ndo ikeno papa i kala ipatea i muŋgani lâ. <sup>5</sup> Aku miki warakami kala mine nâ katogonzi mira via kâ. Maro Kindeni nde igona miki lâ taitu ku ivetami kapânga katogo i tamwata ne luma mine, aku Koroani Sapâna imo luma ninde ilo. Maro Kindeni ipateami tu ma kamo i tamwata ne patarawâna tamâta. Aku Yesu Kirisi ikai nzâla piti pami lâ nana kao nemi paneâna ilâ pa Maro Kindeni, itogo patarawâna ara i ilo papa mine.

<sup>6</sup> Maro Kindeni kawa ngua ikeno lâ pepa tini mine tu,

“Miki kalonjo nga; muŋgani, nana apatea mira ara tonje tu ma imuŋga panzi mira rârâni nana isuka luma ne nzâmba kaika kâ. Nana ilongu ndo ikeno pa mira ninde. Kala njine nana ao mirani ndaina imo Jerusalem lawea. Ambo tamâta tonje ma kalo tawana i, ande muli tamâta ninde ma ‘ikai maŋeti nana i ne kalo-tawana ninde kâ, ande tia ndo.”

<sup>7</sup> Miki kalomi tawana Yesu Kirisi, inani mira ndaina. Mine kala miki ilomi ndo ikeno papa i. Annga tamâta pinde kalonzi tawana i tia, aku Maro Kindeni kawa ngua ilâ panzi tamâta njinde mine tu,

“Mira njine kinzi tamâta njana sipa luma kâ situ nde sakamao kala sitambira lâ, ande mirani ndaina ipânnga mira ara njana isuka luma ngame kaika kâ.”

<sup>8</sup> Aku Maro Kindeni kawa ngua tonje kala ikeno lâ pepa tini mine tu,

“Tamâta rârâ ma sipu kenzi lâ mira njine tini, aku ma patanzi sindue ku sipayaula lâ.”

Kinzi tamâta njinde muᅅga taᅅanzi kaika pa Maro Kindeni kawa ngua. Mine kala sipu kenzi lâ mira njinde aku patanzi sindue lâ. Muᅅgani Maro Kindeni ipatea tu vetâᅅa mine ma ipânnga panzi tamâta njinde.

<sup>9</sup> Taitu Maro Kindeni ipatea miki tu ma kamo i tamwata ne tamâta. Miki kamo Koipu Nalae Maro Kindeni ne patarawâᅅa tamâta, aku kamo i tamwata ne ngu sapâᅅa. I ipatea lâ tu miki ma katula ngua pwataki panzi tamâta ndoni njana vetâᅅa arara rârâni i muᅅga iveta pami njinde. Ina muᅅga isarawami tu kapile kondoma njinde muᅅga miki kamo ilo, aku kalâ kamo lâ i ne sinâla ara njinde ilo. <sup>10</sup> Nanayoni, miki njandai kamo Maro Kindeni ne ngu. Andeta kala njine miki kamo i ne ngu. Muᅅga Maro Kindeni ne kalo-sukâᅅa imâ pa miki tia yo, andeta kala njine i ne kalo-sukâᅅa nde imâ pami lâ.



*Kinda ma tapakatona sondo nana nenda vetâna kâ*

<sup>11</sup> Ning-u-nambwe wukale, miki kamo tâno nîne kulu katogonzi tamâta lombo mine. Mine kala nana ano pami tu miki ma kapu mulimi pa tamâta nâ nenzi ilo-kalo sakamao. Ilo-kalo nînde uru ikai kazâna pa ilomi kalomi. <sup>12</sup> Nana ilongu tu miki ma kapakatona sondo nana nemi vetâna kâ lâ kinzi tinikoa nginginzi. Ambo miki ma kapaveta kuku vetâna ara nâ, ande lâ zo ndia kinzi situ sisowe ngua lanenâ lâ tinimi tu miki uru kaveta vetâna sakamao nâ, ande kinzi ma simora nemi vetâna ara. Nîninga muli, lâ zo nînde Maro Kindeni ma itaulo imâ kilo nana ionzi tamâta lâ ngua nia, ande kinzi tamâta nînde ma sisuka i na kâki.

<sup>13</sup> Miki kalomi tawana Maro Nalae. Mine kala miki ma kapatawa warakami tinimi ku kaponu muli pa kinzi koipu rârâni nenzi ngua. Miki nemi koipu nalae lâ tâno nîne kulu nde imo tamâta nalae ndo. <sup>14</sup> Aku miki ma kaponu muli pa koipu nalae ne dumui kawanzi ngua tona, kinzi tamâta nînde simo mbâna-mbâna lâ lawea lawea. Koipu nalae isupwanzi silâ nana sipare nia panzi tamâta ea siveta vetâna sakamao, aku isupwanzi nana siporo ngua ara nananzi tamâta ea siveta vetâna ara. <sup>15</sup> Maro Kindeni ilo tu miki ma kaveta vetâna ara nâ, nana tu miki nemi vetâna ara nînde ma itoto ngua soki-soki ndia kinzi tamâta kapa-kapa uru siporo pami nînde. <sup>16</sup> Yesu Kirisi ipalalana kiesaka ne nimbu piti lâ tinimi lâ, kala miki kamo tinimi soo nâ. Taitu miki ma ilomi tu miki kamo nalajala

kala kapolenzi kinzi koipu, mine ndimo. Ara nana miki ma kamo katogonzi Maro Kindeni ne wurâta tamâta mine. <sup>17</sup> Miki ma kaveta kemi ara nâ panzi tamâta rârâni, aku ma tinimi mwasa ndo panzi ninda-nambwe kalo-tawana tamâta. Miki ma kapare tukumi pa Maro Kindeni nâ, aku kamege njananzi koipu nalanala.

*Kinda ma takai nâna, itogo Kirisi munğa ikai mine*

<sup>18</sup> Kala nîne nana aporo ngua imâ pa miki tamâta ea uru kaveta wurâta koa tia nâ panzi tamâta nalanala. Nana apaimi tu miki ma kamege ndo njananzi nemi tamâta nalanala, aku kaponu muli pa kawanzi ngua. Miki ma kaveta mine panzi tamâta nalanala ninde uru siveta vetâna ara pami, aku kaveta mine nâ panzi tamâta nalanala ninde uru nâna silami tona. <sup>19</sup> Ambo tamâta tonje ilo tu ipono muli pa Maro Kindeni, aku nana duvi ninde kâ kinzi tamâta nalanala nâna silua i koa tia nâ, ambo i ma imandi kaika ku ikai nâna ninde, ande ninde ma ara ndo. <sup>20</sup> Taitu miki kalonjo nga; ambo tamâta tonje iveta vetâna potomule, aku nana duvi ninde kâ kinzi tamâta nalanala sipu i, ambo i ma imandi kaika ku ikai nâna ninde, ande ea ma ilo ara papa i, a? Tia ndo! Anğa tamâta ea iveta vetâna ara, ambo kinzi tamâta nalanala ma nâna silua i nana i ne vetâna ninde kâ, ambo i ma imandi kaika ku ikai nâna ninde, ande Maro Kindeni ma ilo ara nâ papa i.

<sup>21</sup> Nanayoni, Maro Kindeni ipatea tu miki ma kakai nâna mine nana nemi vetâna ara kâ, nana

tu muŋga Kirisi tamwata kala ikai nâna mine nâ  
 ŋana ivila miki kâ. Kirisi itula nzâla ŋinde pami  
 lâ, ŋana miki kala ma koka i ne vetâŋa muli.

<sup>22</sup> “I iveta kiesaka tonje tia ndo, aku iporo ŋgua  
 laŋeŋa tonje, ande tia ndo kanaŋo.”

<sup>23</sup> Kinzi siporo ŋgua potomule kie-kie papa i,  
 andeta i ŋandai itu ŋana nenzi ŋgua soki-soki  
 ŋinde kâ. Kinzi nâna silua i, andeta i ŋandai  
 iporo ŋgua taulo panzi tu i ma muli izavarunzi.  
 Ipauwo tamwata lâ Maro Kindeni mbau ilo, inani  
 uru ilea sondo pa tamâta nenzi vetâŋa ku ipare  
 nia sondo panzi. <sup>24</sup> Kirisi itâra lâ kâi popole  
 tini, aku lâ zo ŋinde ikai nenda kiesaka lâ i  
 tamwata tini. Aku ŋana i ne vetâŋa ŋinde kâ,  
 ande kinda takura tu tapu mulinda pa kiesaka  
 ne vetâŋa rârâni, ku taponno muli pa vetâŋa ara  
 ndia Maro Kindeni ilo papa ŋinde. I ikai nâna  
 ŋalae tina, aku i ne nâna ŋinde iveta miki kamo  
 ara nâ. <sup>25</sup> Muŋga miki rârâni kamo katogonzi  
 lama sisapiri ku simo potomule mine. Taitu kala  
 ŋine miki kataulo kalâ pa Kirisi marumbu lâ,  
 inani uru ikatonami wa ikea ŋanami, itogo lama  
 nenzi katonâŋa tamâta uru iveta mine.

### 3

#### *Ŋgua ilâ panzi tamâta ŋinde sipakâe lâ*

<sup>1</sup> Aku miki taine kala ma kalomi ŋgere ŋana  
 Maro Ŋalae ku kaponno muli sondo nâ pa kai-  
 wami kawanzi ŋgua. Kinzi pinde ŋandai kalonzi  
 tawana pâri ara ŋana Yesu Kirisi kâ. Ambo miki  
 ma kaponno muli pa nenzi ŋgua, ande kinzi ma  
 simora nemi vetâŋa ara ŋinde, ku ma sipalele

ilonzi kalonzi tâ. Ninennga wurâta tonje ma keno pami nana kaporo ngua panzi tu igagati nenzi kalo-tawana kâ, ande ma tia. <sup>2</sup> Kinzi ma simora tu miki uru kamege nnanzi, aku ma simora tu nemi vetâna rârâni nde ara ndo lâ Maro Kindeni nao. Aku nana duvi ninde kâ, kinzi ma kalonzi tawana Maro Njalae. <sup>3</sup> Miki taine ea ilomi tu kinzi tamâta ma ilonzi ara pami, ande miki ma kaveta wurâta njalae koja nana kasingara tinimi kâ ndimo. Mâsi nana kawutira kulumi wa kasingara tinimi lâ mira “gol” tava lalava ara wa, ande mâsi ninde nde kaa nâ. <sup>4</sup> Ara nana miki ma kasingara warakami ilomi kalomi nâ. Mâsi nana kamo mwasa nâ kunzi tamâta rârâni nde itogo singâra ara mwasina, aku singâra mine nde nana marumbu kâ, ande tia. Singâra kie mine nde ara ndo lâ Maro Kindeni nao. <sup>5-6</sup> Kinzi taine muŋgâna kala siveta vetâna kie taituni nana sisingara ilonzi kalonzi. Kinzi uru sio tininzi pa Maro Kindeni tu ma iveta ikura ne ngua pâna mine, aku sipono muli pa kaiwanzi tamâne nenzi ngua. Nana aporo nnanzi timbunda taine ninde muŋga simo tava ilonzi kalonzi mbâra-mbâra lâ Maro Kindeni nao, sitogo Abraham kaiwa taine Sara mine. Sara ipatawa taine tini ku ipono muli pa Abraham ne ngua nâ, aku ipatu Abraham na tu, “Nanengu tamâta njalae”. Ambo miki ma kaveta vetâna ara mine, aku karuru tia, ande miki ma kamo katogo Sara natu wukale mine.

<sup>7</sup> Aku miki tamâne kala mine nâ, miki ma kamo sondu nâ kunzi kaiwami taine. Miki kasama tu kinzi taine nenzi walo nde njalae koja

tia. Mine nde miki ma wisimi ara panzi ku kaveta kemi ara nâ panzi. Nana tu miki kasama ñine: Maro Kindeni, ina wisi-wisi warika, ma via mao ilua kinzi taine wa miki tamâne wa, ñana miki rârâni ma kamo viami mine ku kamo nâ. Ambo miki ma kamo sonde mine kunzi kaiwami taine, ande sâ tonje ma ikura ñana ipono miki nemi nona nao, ande tia.

*Ikura zo zo kinda ma taveta vetâña ara nâ panzi tininda pinde*

<sup>8</sup> Kala ñine naña atu aporo ñgua tonje kilo, ñineña nanenju ñgua ma marumbu lâ. Naña ilonju tu miki rârâni ma kamo ilomi kalomi taitu, ku ma kalomi sukâña ñananzi tamâta rârâni. Miki ma tinimi mwasa ndo panzi nimi-nambwe kalo-tawana tamâta, aku kasukanzi ñana sikale nenzi malia kâ. Aku miki ma kapatawa warakami tinimi tona. <sup>9</sup> Ambo tamâta pinde ma siveta soki pami, ande miki ma katu ñana ñinde kâ taulo panzi ndimo. Ambo siporo ñgua soki pami, ande miki ma kaporo ñgua soki taulo panzi ndimo. Miki ma kakatu nenzi vetâña ñinde taulo panzi mine; miki ma kano pa Maro Kindeni tu ma iveta kie ara nâ panzi, ikura i ne pateâña mine. Ambo miki ma kaveta mine, ande i kala ma iveta kie ara pa miki warakami mine nâ. <sup>10</sup> Nana tu Maro Kindeni kawa ñgua ikeno lâ pepa tini mine tu,

“ ‘Ambo miki ilomi tu ma kamo ara nâ, aku ilomi tu ma kamo viami tava ndekâña nâ ikura zo luandondo, ande nzâla ikeno mine: miki ma kapile mâsi ñana kaporo ñgua sakamao wa ñgua lañeña wa; <sup>11</sup> miki

ma kapu mulimi pa vetâña sakamao, aku kaponu muli pa vetâña ara nâ; aku miki ma kakai wurâta kaika ñana kamo ilomi kalomi taitu kunzi tamâta rârâni. <sup>12</sup> Ñana tu Maro Ñalae ikea ñananzi tamâta ea sipaveta kuku vetâña ara, aku ipaloño pa tamâta mine nenzi noña. Taitu i ne wisi-nâna ikeno panzi tamâta ea uru siveta vetâña sakamao.”

*Ambo kinda ma taveta vetâña ara, aku takai nâna ñana, ande ñinde ma ara*

<sup>13</sup> Ambo miki ilomi tu kaponu muli pa vetâña ara nâ, ande ea ma ikura ñana nâna ilami, a? <sup>14</sup> Andeta kalonjo ñga; ambo miki kaveta vetâña ara, aku miki kakai nâna ñana vetâña ñinde kê, ande miki ma kandeka nâ. Miki ma karuru wa ilomi rârâ ñana vetâña soki ndia kinzi situ siveta pami ñana nemi vetâña ara kê, mine ndimo. <sup>15</sup> Ara ñana miki ma kao ilomi ndo ilâ pa Kirisi, aku kalomi tawana tu i imo nemi Maro Ñalae. Aku ara ñana miki ma kapaveta ilomi kalomi sondu ikura zo zo ñana katula nemi kalotawana ñinde ne duvi pwataki pa tamâta ea itu ikasonami ñana. Taitu miki ma katula ñgua ñinde mwasa nâ panzi, aku kaporo ñgua ara nâ. <sup>16</sup> Ambo miki ma kapakatona warakami sondu ñana nemi vetâña rârâni kê, ñineñga lâ zo ndia kinzi situ miki luginami ku siporo ñgua soki ñana vetâña ndia nemi kalo-tawana igagatimi ñana kaveta kê, ande kinzi ma mainzi ñana nenzi ñgua ñinde kê. <sup>17</sup> Ambo Maro Kindeni ne pateña ikeno tu kinda ma takai nâna ñana

vetâña ara tonje kinda taveta, ande ñinde ma ara. Taitu miki kalonjo nga; ambo kinda takai nâna ñana vetâña potomule tonje kinda taveta, ande ñinde ma ivila kinda tia.

*Kirisi imâte lâ, ñinenğa imandi imo via kilo ñana ikai kinda talâ pa Maro Kindeni kâ*

<sup>18</sup> Miki kalomi ñgere ñana Kirisi kâ. I imo tava ilo mbâra-mbâra ndo lâ Maro Kindeni nao, ne soki tonje tia. Taitu ikai kinda kiesaka tamwatânda rârâni niânda, aku imâte ñana izavaru nenda kiesaka piti kâ. Aku i ne mateña ñinde ikai kinda talâ pa Maro Kindeni. I imâte mbwani taitu nâ, aku vetâña mine ma ipânga kilo, ande tia ndo. Lâ zo ñinde Kirisi imo lâ tâno kulu, ande i imo tamâta, aku kinzi kazâña tamâta sipu i pâta imâte lâ. Andeta Koroani Sapâña ipaño i imandi imo via kilo. <sup>19</sup> Nia ndoyo, Koroani Sapâña isuka Kirisi ñana ilâ pa luma sakamao nia tu ma itula ñgua panzi korananzi pinde. <sup>20</sup> Ñinde nde tamâta pinde korananzi, kinzi ñinde muñga siveta taña-kaika lâ timbunda Noa ne zo. Lâ Noa ne zo, ande mâsi sakamao nde ipânga more-more ñalae tina, andeta Maro Kindeni ipare nia panzi tamâta ñinde walele tia. I io tîni ku imo lee, ikura lâ zo ñinde Noa isape ne wânga ñalae marumbu lâ. Ñinenğa ñgu mota-mwata nâ sikâki simo wânga kulu, kala simo ara nâ lee pondi ñalae marumbu lâ. Kinzi tamâta ñinde kambwanenzi ipânga lâ lima kanaanzi ñato. <sup>21</sup> Pondi ñalae ñinde nde itogo lââ-liliña mwasina. Kala lâ zo ñine, ande lââ-liliña nde nzâla ñana Maro

Kindeni ikai kinda talâ pa i. Maro Kindeni ipaŋo Yesu Kirisi imandi lâ mateŋa nianzi imo via kilo, aku vetâŋa ŋinde ikai kinda piti lâ kondoma ilo. Kinda ŋandai takai lââ-liliŋa ŋinde ŋana tapua muso piti lâ tininda ŋga. Ŋinde nde ŋana tatula pwataki tu kinda tamo ilonda mbâra-mbâra ndo lâ Maro Kindeni nao. <sup>22</sup> Kala ŋine Yesu Kirisi nde imo samba ilo isaŋona pa Maro Kindeni tini pa wia kâ. Aku i ikai Maro Ŋalae panzi aŋelo rârâni sitavanzi kinzi koroani kaika rârâni simo samba lawea.

## 4

*Kinda ma tapu mulinda pa ilo-kalo siŋga ne vetâŋa*

<sup>1</sup> Mine kala ara ŋana miki ma kapaveta sondo ŋana kakai nâna, itogo Kirisi muŋga ikai lâ karae tini mine. Ambo tamâta tonŋe ma ikai nâna ŋana vetâŋa ara tonŋe i muŋga iveta, ande kiesaka ma ikura tu isaŋa tamâta ŋinde kaika kilo, ande tia. <sup>2</sup> Mine nde lâ zo ŋana tamâta ŋinde imo via lâ tâno kulu, ande i ma ipono muli pa tamâta nenzi ilo-kalo potomule kilo, ande tia. I ma ipono muli pa Maro Kindeni ne pateâŋa ara ŋinde nâ. <sup>3</sup> Muŋga miki kaveta vetâŋa ndia kinzi tinikoa uru ilonzi papa ŋinde. Miki kapalulua tinimi potomule wa, ilomi yosi ŋana kaveta vetâŋa sakamao kie-kie wa, kanu lââ kaika ŋana dadauŋa kâ wa, kaveta kiesaka kie-kie lâ kâŋa-nuŋa ŋalaŋala wa, kaveta mâsi sakamao ŋana kapare tukumi kawâŋgi panzi maro laŋeŋa wa. Andeta lâ zo ŋine nemi mâsi siŋga ŋinde nde marumbu lâ. <sup>4</sup> Miki kapile tinikoa nenzi vetâŋa



potomule njinde rârâni marumbu lâ. Mine kala kinzi tinikoa ilonzi rârâ njana njinde kâ, aku simo siporo ngua sakamao imâ pami. <sup>5</sup> Andeta muli nga kinzi ma simandi lâ Maro Kindeni ne ngua nia, aku ma sipatula warakanzi nenzi vetâña soki-soki rârâni pwataki papa i. I nde ngua-samâña tamwata, aku ipaveta sondo lâ njana ipare nia panzi tamâta rârâni, kinzi vianzi wa mateja wa. <sup>6</sup> Njana tu pâri ara ilâ panzi tamâta pinde simo lâ zo muŋgâña rârâni. Lâ zo njana kinzi simo vianzi yo, ande tininzi pinde sivaliginzi njana nenzi kalo-tawana kâ. Andeta kinzi sio nenzi kalo-tawana ilâ mao nâ papa Maro Kindeni lee simâte lâ, kala njine simo vianzi nâ kuku i.

*Kinda ma taveta vetâña ndia Maro Kindeni ipatea pa kinda tu taveta*

<sup>7</sup> Zo mbuku taitu nâ keno mo naji yo, njineŋga tâno ne vetâña tava ne kelekele rârâni ma marumbu lâ. Mine nde ara njana miki ma kalomi ngere sondo ndo, aku kapakatona warakami njana nemi vetâña kâ. Ambo miki ma kaveta mine, ande miki ma kakura tu kakai noja sondo pa Maro Kindeni. <sup>8</sup> Andeta vetâña taitu nâ nde kelekele njalae tina, aku ipolenzi vetâña arara pinde rârâni. Vetâña njinde nde mine; miki ma kao ilomi ndo ilâ panzi nimi-nambwe kalotawana tamâta. Ambo miki ma kapaveta sondo kuku vetâña njine, ande miki ma wisimi nâna njana vetâña soki ndia siveta pami, ande tia. <sup>9</sup> Miki ma kanonzi kalo-tawana tamâta pinde tu ma simâ sika kumi wa simo nemi luma ilo

wa. Miki ma wisimi nâna ñana kaveta mine kâ ndimo. <sup>10</sup> Maro Kindeni walo kaika ilua miki rârâni taitu-taitu ñana kaveta wurâta ara tonje. Ñine nde itogo wisi-ara ilua miki ñana kasukanzi tinimi pinde kâ. Mine nde miki ma kapakatona sondo nâ ñana kaveta wurâta ñinde. <sup>11</sup> Ambo tamâta tonje ikai wisi-ara ñana itula ñgua kâ, ande ara ñana i ma itula Maro Kindeni tamwata kawa ñgua sondo nâ. Ambo tamâta tonje ikai wisi-ara ñana ikai kuleña panzi tini pinde, ande ara ñana i ma iveta mine lâ Maro Kindeni ne walo ndainani nâ. Ambo miki ma kaveta mine, ande kinzi tamâta ma simora nemi vetâña arara ñinde, ku ma sipanea Maro Kindeni lâ Yesu Kiriisi ña. Inani Walo Tamwata, aku i ña nde ñalae ndo, uru imo mine ku imo nâ. Mao.

*Ambo kinda ma takai nâna tatogo Kiriisi mine, ande kinda ma tandeka nâ*

<sup>12</sup> Ñingu-nambwe wukale, malia ñalae tonje nde imâ ipânga pami lâ, aku ñinde nde ñana ikai samâña pami. Taitu miki ma wisimi motu ñana samâña ñinde ndimo, ñana tu ñinde ñandai kelekele wasaseki nga. <sup>13</sup> Miki kakai nâna ñana samâña ñinde kâ, itogo muñga Kiriisi ikai mine. Mine nde miki ma kandeka nâ. Ñineña lâ zo ñana Kiriisi ma itaulo imâ kilo tava ne walo ñalae, ande ndekâña ñalae ndo ma ipânga lâ ilomi. <sup>14</sup> Miki nemi kalo-tawana nde ikeno pa Kiriisi nâ. Ambo tamâta pinde ma siporo ñgua soki pami ñana nemi kalo-tawana ñinde kâ, ande miki ma kandeka nâ, ñana tu Maro Kindeni ne Koroani ara ñinde imo kumi. <sup>15</sup> Ambo tamâta

pinde ma nâna silami, ande ara ñana miki ma kalomi ñgere sonde ñana nenzi vetâña ñinde ne duvi kâ. Ambo miki muñga kapu tamâta tonje pâta imâte tâku, kapanawe tamâta tonje ne kelekele tâku, kalaña kapole ñgua tukuña tâku, kayaula tamâta tonje ne wurâta tâ, aku kakai nâna ñana nemi vetâña mine, ande miki ma maimi ñana nemi nâna ñinde kâ. <sup>16</sup> Andeta miki kalonjo ñga; ambo miki kalomi tawana Kirişi, aku ñana duvi ñinde kâ tamâta pinde nâna silami, ande miki ma maimi ndimo. Ara ñana miki ma kandeka ku kawami ndañge nâ papa Maro Kindeni, ñana tu ñoa ara ikeno lâ tinimi tu, “Yesu Kirişi ne tamâta”. <sup>17</sup> Maro Kindeni ne zo ñana ma ionzi tamâta râranî lâ i ne ñgua nia, ande imâ ipâñga laiti lâ, aku i ne tamâta kinda ma tamuñga panzi tamâta râranî ñana tamandi lâ ñgua nia. I ma ilea sonde pa kinda muñga lâ ñga, andeta i ma kulu ara nâ ilua kinda. Mine kala vetâña sakamao ndo ma ipâñga panzi tamâta ñinde sipu mulinzi pa Maro Kindeni ne pâri ara. <sup>18</sup> Maro Kindeni kawa ñgua ikeno lâ pepa tini mine tu,

“Tamâta pinde uru siveta vetâña ara lâ Maro Kindeni nao, taitu kinzi tamâtani ndaina ma sikai nâna kie-kie lee, ikura lâ zo ñinde Maro Kindeni ma ikainzi piti lâ kazâña ilo ku via mao ilanzi. Mine kala i ma igeranzi kinzi kiesaka tamwatanzi ñinde muñga sipu mulinzi pa Maro Kindeni, ande tia ndo!”

<sup>19</sup> Mine nde miki kalonjo ñga; ambo Maro Kindeni ipatea tu tamâta tonje ma ikai nâna,

ande ara nana tamâta ninde ma ipaveta kuku vetâna ara nâ, ku io ne kalo-tawana ilâ pa Maro Kindeni simbo nâ. Maro Kindeni inani nia ndoyo iveta kindi tapânga, aku i uru iveta ikura ne ngua pâna rârâni.

## 5

*Kinzi katonâna nenzi wurâta nde nana sikatonanzi Maro Kindeni ne tamâta*

<sup>1</sup> Kala nina nana ilonngu ngua imâ pa miki kalo-tawana tamâta ngu nemi katonâna. Nana warakângu kala amo katonâna, atogo miki mine, aku munngani nana warakângu matângu amora Kirisi ikai nâna. Zo imâ ipânga laiti lâ nana Kirisi kilala tava ne walo nala ma ipânga nia yo. Aku lâ zo ninde, ande i ma iveta kie ara pa nana tona.

<sup>2</sup> Nana warakângu nde ngu nenzi katonâna, atogo miki mine. Mine kala nana ano kaika pa miki katonâna tu miki ma kakatonanzi Maro Kindeni ne tamâta sondu, itogo lama nenzi katonâna tamâta uru ikatonanzi lama mine. Nana tu Maro Kindeni tamwata io ngu ninde lâ mbaumi ilo nana kakatonanzi kâ. Aku ara nana miki ma kandeka nâ nana kaveta wurâta ninde, ikura Maro Kindeni ilo papa mine. Miki ma tinimi pwâka nana kakatonanzi ndimo, aku ma ilomi nala kona nana kakai mbumbu lâ nemi wurâta ninde tini ndimo. Ambo miki ma ilomi ara nâ nana kaveta wurâta ninde kâ, ande ninde ma ara ndo. <sup>3</sup> Miki ma katawanzi tamâta ninde Maro Kindeni munnga ionzi simo kalomi, itogo kinzi koipu nalajala uru siveta, mine ndimo.

Ara nana miki ma katula vetâna ara nâ panzi kalo-tawana tamâta ninde, nana ma simora ku sipaveta kuku. <sup>4</sup> Ambo miki ma kaveta mine, ninenga lâ zo nana Yesu Kirisi ma ipânga nia yo, inani imo mbâna-mbâna panzi katonâna rârâni, ande miki ma kakai kulu ara ndo. Aku kulu ara ninde nde nana marumbu kâ, ande tia. Ninde nde nana ikeno mine ku imo nâ.

*Kinda ma tapatawa warakânda tininda, ku tapakatona sondo*

<sup>5</sup> Anğa miki tamâta limoa, miki kala ma kapono muli mine nâ pa kinzi tamâta mbâna-mbâna nenzi ngua. Maro Kindeni kawa ngua ikeno lâ pepa tini mine tu,

“Maro Kindeni ikai kazâna panzi tamâta ea sipasuka warakanzi nâ tininzi. Anğa i ne wisi-wisi ikeno panzi tamâta ea sipatawa warakanzi tininzi.”

Mine kala ara nana miki rârâni, miki koņa wa lâlu wa, ma kapatawa warakami tinimi lâ kinzi kalo-tawana tamâta rârâni naonzi. <sup>6</sup> Mao nâ, ambo miki ma kapatawa warakami tinimi lâ Maro Kindeni nao ku kamo i ne walo kaika nâ kalo, ninenga lâ zo ndia i tamwata ipatea lâ, ande i ma isuka miki kâki. <sup>7</sup> Maro Kindeni imagegea miki sondo nâ. Mine nde ara nana miki ma kao nemi malia rârâni lâ i kala, nana ma ikale pami.

<sup>8</sup> Miki kalomi ngere sondo nga, aku kapakatonona sondo! Sadana nde imo nemi kazâna tamâta, aku imo itogo mbwâmbwa saka leve mine. I uru isuņa kawa kaika nâ, aku iyoka ilâ wa imâ wa, iroroto nana tamâta tonje tu

izavaru kâ. <sup>9</sup> Miki kasama tu lâ tâno ndoni, nimi-nambwe kalo-tawana tamâta uru sikai nâna kie taituni nâ nana nenzi kalo-tawana kâ, itogo miki uru kakai mine, aku kinzi simandi kaika nâ. Mine nde miki ma kalomi tawana Maro Kindeni kaika ndindi nâ, aku kakai kazâña pa Sadana.

<sup>10</sup> Maro Kindeni nde wisi-wisi warika. Miki kapaipa kuku Yesu Kirisi lâ, aku nana duvi ninde kâ, Maro Kindeni isarawami munğani lâ tu ma kamo taitu kuku i tamwata, ma kamo ara mine ku kamo nâ. Taitu miki ma kakai nâna ikura zo mbwana-mbwana nâ munğa lâ nğa, ninenğa Maro Kindeni tamwata ma iveta miki kamo ara kilo, aku ma walo kaika ilami, nana miki ma kakura tu kamandi kaika ku kaponu muli sondu pa i. <sup>11</sup> Nenda paneâña ilâ pa i, nana tu ikai walo kaika rârâni marumbu lâ, ma imo mine ku imo nâ. Mao.

### *Ngua kaña pinde*

<sup>12</sup> Sailas nde ikai kuleña pa naña, kala ingere nanenğu ngua mbuku taitu nîne lâ pepa tini. I nde ninda-nambwe kalo-tawana tamâta mao kanaño. Naña ilonğu tu apu tini kaika pa miki ilomi kalomi. Naña asama tu vetâña rârâni ninde Maro Kindeni iveta pami, ande ninde nde nana itula pwataki tu i ilo ndo ikeno pami. Ambo miki ma kalomi ngere sondu nana ninde kâ ku kamandi kaika, ande ninde ma ara ndo.

<sup>13</sup> Miki nimi-nambwe kalo-tawana tamâta simo Babilon lawea nîne, \* kinzi ninde kawanzi kari ara pami. Kinzi kala simo Maro Kindeni ne pateâña tamâta, sitogo miki mine. Aku Malaka

---

\* **5:13** 13 Nîne nde ngua siâña. Petero iporo nana Rom lawea.

kala kawa kari ara pami tona. Malaka nde itogo naña natuᅅgu mine.

<sup>14</sup> Naña ilonᅅu tu miki rârâni ma kapatâño mbaumi ku kaporo kari ara panzi kalo-tawana tamâta rârâni. Vetâña mine ma itula pwataki tu miki ilomi ndo ikeno panzi. Miki kapaipa kuku Kirisi lâ, kala i ne wisi-pisi imâ pa miki rârâni.

**MARO KINDENI KAWA NGUA**  
**The New Testament and Psalms in the Sio Language**  
**of Papua New Guinea**  
**Nupela Testamen long tokples Sio long Niugini**

Copyright © 1995 Wycliffe Bible Translators

Language: Sio

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures. Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2013-02-09

---

PDF generated using Haiola and XeLaTeX on 4 Mar 2023 from source files dated 22 Nov 2019

b3b81168-89df-5bc3-8b0c-cf72ef93d3de